

խապէս մտքըունեն «կոմունիստական աղտերից» եւ ապա, իրրեւ սովորական քաղաքացիներ, կրեն իրենց համար սահմանուած պատիժը...

Եւ երբ այս ամէնի հեղինակը, Մուսուլիներին, պատրաստակամութիւն յայտնեց ճանաչելու Սորճուրդների իշխանութիւնը Ռուսաստանում, ի՞նչ էք կարծում, բուլղերիկները նողկանքով երես դարձրին նրանից, կամ դոնէ այս առթիւ յիշեցին, որ իրենք աշխարհի առաջ ուխտ են արել յարաբերութիւնների մէջ չմտնել բուրժուական — եւ այն էլ ի՞նչ բուրժուական — կառավարութիւնների հետ... Պատասխանը յայտնի է ընթերցողին:

Յիշէ՞նք նաև այն աննկարագրելի ոգեւորութիւնը, որ պատել էր բուլղերիկներին, երբ անգլիական «սոցիալ-պարտիտաների» պարագլուխ Մակդոնարը եւ Փրանսական «կապիտալիստների լաբէյ» Հերիօն Անգլիայի եւ Փրանսայի կառավարութիւնների անունից ճանաչեցին Սորճուրդային իշխանութիւնը: Այս կառավարութիւնիներէ հետ դիւանագիտական յարաբերութիւններ հաստատելը բուլղերիկները իրրեւ քաղաքական խոշոր յազմանակներ էին ներկայացնում միամիտներին. մինչդեռ դա մի իսայտուակ պարտութիւն էր իրենց համար, որովհետեւ իրենք էին նշանաբան դարձրել, թէ որեւէ գործ չպէտք է ունենալ բուրժուական կառավարութիւնների հետ...

Աւելի՛ եւս անփառունակ է այս նշանաբանի յետագայ պատմութիւնը:

Բուրժուական կառավարութիւնները, որ դանազան ներքին եւ արտաքին պատճառներով սկզբում, չնայած բուլղերիկների յոխորտանքներին եւ պոռոտախօսութիւններին, դոնէ երեւոյթապէս, վերապահ կեցուածք ունէին Սորճուրդային իշխանութեան հանդէպ՝ վերջին ժամանակներս բացարձակ արհամարհանքով են վերաբերում նրան: Անգլ. կառավարութիւնը, որի նրբութիւնն ու շրջանկատութիւնը դիւանագիտական յարաբերութիւնների մէջ յայտնի է աշխարհին՝ խզեց իր քաղաքական կապերը Սորճուրդային իշխանութեան հետ կատարեալ անպատկառութեամբ: Փրանսական կառավարութիւնը խոկեց այդ իշխանութեան դեսպանին Փրանսայից՝ առանց իսկ հաշուի

առնելու թէ դրանով ի՞նչ ծանր վիրաւորանք է հասցնում նրա պատուին: Անգամ Լեհաստանի, Լիտվանիայի եւ Էստոնիայի կառավարութիւնները, չնայած իրենց համեմատական տրկարութեանը, երբ խօսքը Սորճուրդային իշխանութեան է վերաբերում, շատ յաճախ դանց են առնում պատշաճութեան կանոնները: Եւ իշխանութեան տիրացած բուլղերիկները, որոնք սասը տարի առաջ բուրժուական կառավարութիւններին ասպարէզ կարդալու նշանաբանով էին աքլորանում ժողովրդական դանդուածներէ առաջ՝ այսօր լուռ ու մունջ կրում են ամէն վիրաւորանք, ամէն ստորացում, միայն թէ, միայն թէ այդ կառավարութիւնները շարունակեն ճանաչել իրենց իշխանութիւնը...

Նուազ ողբայի վիճակի մէջ չէ եւ գաղտնի դիւանագիտութիւնը վերացնելու նշանաբանը: Վերջինս, ինչպէս յայտնի է, յստակօրէն ձեւակերպուած եւ հանրային սեփականութիւն էր դարձած դեռ Փետրուարեան Յեղափոխութեան ժամանակ: Նրա մասին որեւէ տարակարծութիւն չկար ուսական դեմոկրատիայի մէջ: Ամէնքն էլ համաձայն էին, որ, պատերազմը հաշուեյարգարի ենթարկելուն պէս, գաղտնի դիւանագիտութեան չարիքը արժատախիլ պէտք է արուէր դոնէ Ռուսաստանի արտաքին քաղաքականութեան միջից:

Բուլղերիկները Փետրուարեան Յեղափոխութիւնից սեփականացնելով այս նշանաբանը՝ հոկտեմբերեան յեղաշրջման օրերին հրահրում էին արտակարգ թափով: «Թող կորչէ գաղտնի դիւանագիտութիւնը» գոչում էին նըրանք բոլոր անկիւններում եւ հրապարակներում: «Ոչ մի գաղտնի բանակցութիւն, ոչ մի գաղտնի դաշնագիր» մակազբում էին նրանք իրենց դրօշակների վրայ՝ ժողովրդական ցոյցեր կազմակերպելիս: Եւ, ի գործադրութիւն այս նշանաբանի, նրանք, դոնէ երեւոյթապէս, պահանջում էին Բրեստ-Լիտովսկում՝ գերմանացիներից եւ նրանց զինակիցներից, Ռիգայում՝ լեհացիներից, իսկ Կիւբովում՝ Սկորոպադսկիի ներկայացուցիչներից, որ հաշտութեան բանակցութիւնները հրապարակօրէն լինին, որ կնքուելիք դաշնագրերի սկզբունքներն ու յօդուածները բաց նիստերում, հանրութեան